



8 de abril de 2013. O novo proxecto de ADEGA [**CHARCAS CON VIDA**](#) convoca a primeira **xornada de voluntariado ambiental**

que se celebrará este
sábado 13 de abril

. O lugar escollido para a construción da charca didáctica será a

[Eira da Xoana](#)

(Ramil, Agolada), onde ADEGA posúe un equipamento de educación ambiental que ten como un dos seus obxectivos achegar a cidadanía galega ao medio rural. Durante a xornada construiremos unha charca didáctica e traballaremos sobre o seu manexo e propiedades para que fiquen como un recurso máis da oferta educativa da Eira da Xoana.

As charcas son pequenos pero importantes espazos para a conservación da biodiversidade. Por iso a creación dun pequeno humidal favorece a biodiversidade. Moitos animais utilizan estes puntos de auga para beber, alimentarse, agocharse ou para desenvolver os seus ciclos vitais. Anfibios, aves, invertebrados ... e tamén certos tipos de plantas ou algas son algúns exemplos dos seres que se ven favorecidos por este tipo de actuacións. Dende o proxecto **Charcas con Vida**

queremos achegar á cidadanía a estes lugares e dar ferramentas válidas para a súa conservación. Qué mellor maneira de facelo que construíndo unha charca e aprender facendo!!!

O voluntariado contará con seguro de accidentes, desprazamento dende Compostela, e xantar.

Se queres participar contacta co local nacional de ADEGA (981 57 00 99) e deixa os teus datos, no móbil 649 611 508, ou no correo lucia@adega.gal

O proxecto **Charcas con Vida** conta coa colaboración da [Fundación Biodiversidad](#) do Ministerio de Agricultura, Alimentación e Medio Ambiente, e realízase en convenio co

[CIBIO](#)

(Centro de investigación em iiodiversidade e recursos genéticos, Portugal).